

آبونه شیر املی
هر بر ایچون سنه لکی (۲۵۰)
آلتی آلتی (۱۳۰۰) هر وشدن

نسخه های ۵ فروش، سنه لکی
۵۲ نسخه در

اداره خانه
حریت او تلی قارشو سنه
خطارات

آبونه بدلی، سنه لکی
مسلمه موافق کتاب مع المینوسه قبول
اولون درج اینده ی بازار
اعاد اولون

والله یهدی من یشاء الی صراط مستقیم

نایب محرر
محمد عاکف

صاحب و مدیر مسئول
اشرف ادیب

خطارات

آدرس تبدیله آبرجه اش
غروش کوندردلیدر

مکد و بارک، ضالری واضح و اوله و مافی
اولسی، وابونه صره، نومروسی
محتوی اولسی لازمدر

ملاک اجنیه ایچون آبونه اولانلرک
آدرس لریک فرانسوی ده یان لری
رجا اولور

باره کوندردلکی زمان نه دان
اولدینی، واضحاً تبدیله
رجا اولور

ایبعون اهدکم سبیل الرشاد



امعاندن کچیره جک اولورسه قی بربری اوزرینه بیغیلیمش سیئه لردن ، ظلمتلردن باشقه برشی بولماز . اگر کندیلری اھمال صالحه یه صاریلسه یدیلر ؛ عصرلرجه سورن بو اولوم اویقوسندن کوزلری آچسه یدیلرده مملکتلرده علومی ، صنایعی شریکته یدیلر ؛ عتالی ، مشورتی ، فضیلتی تأسیسه چالیشسه یدیلر ؛ جمعیتملر شریکتملر میدان کتیرسه یدیلر ؛ آرملرنده کی تفرقلری ، خلاقلری قالدیرسه یدیلر دنیا ده ال مسعود بر حیات کچررلر ، عقبا ده ایسه نعیم ابدی ایچیده یاشارلردی .

شیخ عبدالعزیز دھابیه

جهاد اسلام

حدیث شریف

يُوشِكُ أَنْ يَتَدَاعَى مُلُكٌ كَثِيرٌ يَأْتِيهِمْ مِنَ الْأَمَمِ مِنْ كُلِّ أَفْقٍ كَمَا تَدَاعَى الْأَكَلَةُ عَلَى قَصْعَتِهَا. قُلْنَا: يَا رَسُولَ اللَّهِ أَمِنْ قَلَّةٍ بَنَّا يَوْمَئِذٍ؟ قَالَ: لَا؛ أَنْتُمْ يَوْمَئِذٍ كَثِيرٌ وَإِلَّا كُنْتُمْ غَنَاءَ كَفْشَاءِ السَّيْلِ نَزَعَ الْمُهَابَةَ مِنْ قُلُوبِ عَدُوِّكُمْ وَيَجْعَلُ فِي قُلُوبِكُمُ الْوَهْنَ. قَالُوا: وَمَا الْوَهْنُ؟ قَالَ: حُبُّ الْحَيَاةِ وَكَرَاهِيَةُ الْمَوْتِ!

معنای شریفی

مک صوفرا سنده کی انسانلر بربری - بویوروک ، بویوروک دیه - ناصیل دعوت ایدیورلرسه ، سیزک اوزریکزه صالدریق ، سیزی مملکتلریکزدن چیه قارمق ایسته یین بوتون ملتلرک ، دراتلرک ده بربرلری اویله جه دعوت ایتمهلری ، چاهرمالری یاقیندر . بز [اصحاب] صوردق :

— یارسول الله ، بو ، بز اوزمان کی آزلغمزدن می اوله حق ؟ بویورویلر ، که :

— خایر ! اوزمان بالعکس جوقلق اولاجق سکز ، فقط ایملارک اوستندن یوزدرک کلن وکوشه ده ، بو جاقده قالان چور چوب کیی داغیندی برخالده بولونه جتمسکز . اونک ایچین دشمانلریکیزک یوره کندن قورقو کیده جک ، سیزک قبالریکزه (وهن) یوله شه جک !

— (وهن) نه در ؟ دییه صوردق .

— حیاته صاریلق ، اولومی هیچ ایسته مه مک ، یعنی اولومدن قورققدر ، بویورویلر .

* * *

امام (احمد بن حنبل) حضرت تلمیذک (مسند) ندن نقل ایدیان شومبارک حدیث صحیح ؛ سهو کیلی پیغمبریمز صلی الله علیه وسلم افندیملرک یک جائلی معجزملرندن بریدر . أفندیملر حضرت تلمیذ امتک - زمان ، زمان - نه کی

بیامش اولوکرکه بوکون یوردیمیزی پارچه پارچه المزدن آلفده اولان ملتلر بزی اویله آکسزین باصدرمه یه ؛ دایاندیغمز رکنتری ، رابطهلری نلاندن صارصمه ؛ آنجق بقای موجودیتلرک کفیل ، ضامی بولونان قواذن طبیعیه دن یوز چوریدیکمزی کوردکن صوکره جرأت ائده بیایدیلر . کوردیلرکه قرآن حکیمک چیزمش اولدینی سیاستدن تمامله آیریلشز ؛ بهی ، دنی ر سورو شهواته دالمشز ؛ حیات استقلالک الک باشلی ارکای بولونان زرع دن ، تجارت ، صنعتدن کنیمیزی محروم ایتمشز . کوردیلرکه آره مزدمکی وحدتی پارچه لایه رق بربریمزدن آری ، بربریمزه قارشلی تمامیه یابانچی یاشایورز . هر بریمز دیلله یانی باشنده کی قارداشک درستی ییرتیورده دشمنلرک کندیمی خقنده نه مامون مقصدلر بسله دیکشدن تمامیه غافل یاشایور . الحاصل اوصایب اطراقده طویلانان امتلر کوردیلرکه سالف صالحه سکسان سنه ظرافنده مشرفدن مغربه قدر اوزانمش معظم رملک سلطنتی تأمین ایدن دینلرک ، کتابلرک سیاستدن ، تعلیماتنکلیا اوزاننده لونیورز . . ایشته بومشه و داتلریدرکه حریرلرک بزه صالدریمارینی ، بزم حقمنزده بوقدر شدتلی طمعلر بسله مریی انتاج ایتمشدر . یوره کلریمزه وطن مدافعه ، دشمنله مجادله ایدیمه جک قدر حیانت ، مسکنت حساسلری ویرمن ؛ کندی یوردمن داخلنده بیله اولسه بزلری یانایچیلره قارشلی بو الیم ، بوذلیل وضعیته برافان سبب هب بودر . یوقمه باشمزه بوفلا کتلری کتیرمن ، تبه مزدن ییلدیرملر ، جهنملر اینیرمن عامل ، دیدکلری کیی اسلام دکادر . بوتون بو عاقبتلرک یکانه باغی شردرکه مسلمانلرک بوکون مسلمانلرک قبول ایتمش اولدقلری قیافتک ایچنه نفوذ ایتمه مشدر . آنجق صورتده ، شکله قالمشدر . . عجبار رسول مجتبانک سیاق ، اونک خلفاسنک سیاستی نه ایدی ؛ یا خود دبار اسلامک بقاسی ایچین خالق حکیمک وضع ایتمش اولدینی نظام ازلی ایله مدنیت حقیقیه یی بیلدیرمن آیات قرآنیه هانکیلریدر ؛ دییه بومسلمانلره سورسه کز نه جواب آلیرسکز ؟ اویله ظن ایدرمکه سیرت رسولی ، سیرت خاقانی ، بقی ایتمش ، کتاب اللهی ، او کتاب کریمک هر صفحه سنه منجیل قانون اقدسی ولو بر ساعت اولسون دوشونمش قافاره یک آز تصادف ائده بیلیرسکز .

شاید به نلر قرآنی تأمل ایله اوقوسه یدیلر ، پیغمبرلرینک تاریخی بیلسه یدیلر ، اونی محترمک سیاستی وکندیسندن صوکره کله ک بتون دنیا به حکمنی یوروتن خلفانک سیاستی تدقیق ایتمسه یدیلر کوزلریله کورورلردی که طوغری بولدن آیریلشلر ، اسلامه واونک مقدس کتابنه اسناد جرأتنده بولوندقلری ظنون واهامده تمامله بطلان کریومه صاعشلردر . بناء علیه مسلمانلرک بوکون ایچنه ده شمش اولدقلری جمعی خسران کندی حرکتلرینک ، کندی سیئه لرینک ، کندی معامله لرینک جزای سزاسیدر ؛ باشقه برشی دکادر . اوت ، ششون سیاستلرینی ، مادیاتلرینی ، معنویاتلرینی ، حیات اجتماعیه لرینی نظر

ویردیکدن صوکر، او وضعیته سبب اولق اوزرده ایکی شی
کوشه یور :

- ۱ — مسلمانلرک داغینیق ، پارچا پارچا شاماری ،
- ۲ — شخصی حیاته فضله اُمیت ویره رک همومی و حقیقی حیاتدن
غافل بولون لریدر .

بر ملت یاشامق ، وارلغی ، استقلالی محافظه ایده بیامک ایچین
هرشیدن اول وحدته ، برلیکه محتاجدر . اتفاق رابطهلری ضعیف
اولان ملتله پارچا لیر ، داغلیر ، خریطه علمدن سیلیر ، کیده .
بویله ملتله « -لارک ازستندن یوزره رک کلن وکوشه ده ، بوجاقده
قالان جورچوبلر دن عبارتدرلر . اولنرک قلمبده حاکم اولان حاکم
وجلادت دکل ، ضعف و جباتدر ، — تعیر رسالتپناهی و جهله —
(و من) در . بو حقیقی دین جلیل اسلام بر چوق آیت وحدیتلر -
لهده بز مسلمانلرک کوزینه صوقش ، فقط مع الاسف مسلمانلر
بولری کوره مه مش ، یاخود کورمک ایسته مه مشدر .

جناب حق قرآن کریمده بویورورکه : « و اعتصموا بحبل الله
جميعاً ولا تفرقوا - ولا تنزعوا فتقشعوا و تذهب ریحکم = ای مسلمانلر
حبل الهی به ، قرآن عظیمه ، دین اسلامه صیم صیق یایشیکز ، صاقین
آریلیق کوسترمه ییکز - بربریکزله غاوغایه ، آریلغه دوشمه ییکز ؟
صوکره پارچالانیرمیکز ؟ دولتمکز ، سلطنتکز آلکزدن کیده . »
ایشته بوکی آیات جایله بر ملتک وارلغی ، استقلالینی ناسل محافظه
ایده بیله جکئی پک آچیق کوسترمکده درکه بولره آقیری حرکتلرده
بولونق دائم فلاکتلر ، سفالتلر دوغرور ، ملتلی اوچوروملر
سوروکلر . اتفاق ، برلیکی ، یاردملاشایی مغز قرآدن آتش اولان
مسلمانلر بوقاعده لره صیم صیق یایشیدقلری ، زمانلرده بیوک وارلیقلر ،
خارقلر اراز ایتشلر ، فقط آزر انحرافده بولوندقلری دورلرده
پریشان و مضحک اولمشلردر .

تک باشنه جهل و وحشته قارشى میدان او قویان حضرت نبی اعظم
(صلی الله علیه وسلم) که اُنک بیونک دستوری « انما المؤمنون اخوة =
مؤمنلر قازداشدن باشقه برشی دکادر . آیت کریمه سی ایدی . آرارلرندکی
آریلیق و اخلاقسیراق یوزوندن شیرازه جمعیلری داغیامق اوزره
بولونان اقوام و حشیه عربی آز زمان ایچنده (اتفاق = برلیک)
سانجایی آتنده طر پلایان عامل معنوی هپ بودستور عالی ایدی .
هر مؤمن کندی شخصی وارلغی بر (کل واحد) که ، یعنی متفق ملتک
اجزاسندن صایار و دایما او (کل) که اُنشیمسی و عشقی ایله یاشاردی .
ذاتی منفعتلر ، شخصی احتراصلر هپ عمومی منفعتلر ایچنده آریر ،
فردیت جمیتک بقای حیات و موجودینی اوغرنده چالیشیردی . ایشته
بوصورتله کوهلشن (آل برلک و قارداشلق) اسلام نورینی هر طرفه

حالمه اوغرا به جغنی ، دوشمانلرک اسلام ایشغنی سوندورمک ایچین اوزریمزه
— طویل اولارق — ناصیل چوللانه ناجقلری بوندن (۱۳۰۰) بوقادار
سنه اول بزه خبر ویرمشد . دنیانک بوتون دیپلوماترینی حیرتلر ایچنده
ییراقاسی لازم کلن بو حدیث شریفک کوستردیکی یوکسک معنی بالخاصه
صوک سنلر ایچنده اولانجه آچیقلاغیله میدانه چیقمشد .

فی الحقیقه کرک باقان حربنده ، کرک عمومی محاربه ده — اوج
یوز آلهی مایون اهل ایمانک دماغی اولان — عثمانلی اولکهنی پارچالامق ،
ملتیزی اسیرایتمک و بالتیجه بوتون اسلام عالمی باشن بیر قارق د او معظم
عالم حقنده کی نظام تصورلری ده ابویوک جرأته تطبیق ایله ملک ایستین
دوشمانلریز — طبقی صلی الله علیه وسلم افندیتمک بویوردوقلری کی بر برینی
« یلک صوفراسنه دعوت » ایدرجه سنه جاغیرمشلر ، اسلامیت علیهنده ردیل بر
اتفاق قوراراق خان املری ایجرا قویولمشلردی . ملتیز باشلیجه اداره
ایده نلرک سیستانی یوزوندن « کوشه ده » بوجاقده قالان جورچوب کی داغینیق
برحاله ، کلرک ، نفاقلر دوشهرک اولومدن قاجدینی ایچون باقه نلرده مغلوب
و پریشان اولمش یوز بکلرجه نفوسنی ضایع ایتدیکدن باشقه بوتون مقدساتیله
مملکتک اُل قیمتی پارچهلری دوشمانلرک آققلری آتنده چیکنه تمشدر .
فقط عهدده سنه دوشن دین و وطن وظیفهلری ایلت ایکی سنه سی ایچنده کرچکدن
باپدینی ، اتفاقه صاریلدینی ، « ثلومی کوتو » کورمه دیکی ایچینه درکه
عمومی محاربه ده — عون الهی ایله — غلبه چالمشدر . او ایکی
ییلک وهله (جنای قلمه) ، (کوة الاماره) کی رلرده قازانیلان
شرقلی مظفریتلرک تاریخ ملیزمه علاقه ایتدیکی باق صحیفهلرله شانلی
خاطرلر البته اُبدیاً تحیل ایدیلر جکدر . یالکز او محاربه نک صوک
سنلرنده باشلایان یولسزلقلرک ، احتراصلرک ، احتکاکلرک و بالتیجه
« حب حیات » کهده تکرار ملتیزک ، وطنیزک سینه سینده نه
اونولماز یارالر آجیدینی قابل انکار دکادر . جناب حقه شکرلر
ایده رز ، که ماضیسی باشند باشه قهرمانلقلرله طولو اولان فداکار
ملتیز — منارکدن صوکر دوشمانلریمزک سلاح نامنه ، طوب نامنه
دیگر لوازم ، مهمات حربیه نامنه الیزده هیچ برشی براقامش اولسنه رغماً
صرف ، ایمانی مسلمانانی قوتیله یکیدن مدافعه به باشلادی ، بومدافعه
حرکتی کیتدکجه کنیشهله دی ، بتون دشمن عالمی « قورقو » ایله
قاریشیق حیرتلر ایچنده برآمدی . آمیز ، که نصرت مسلمانلرک ،
خییت و نکیت دایمادوشمانلرک اولاجقدر . « ان تنصروا الله ينصركم
و یثبت اقدامکم » = جناب حقک دیننه یاردیمده بولورسه کز الله ده
میزه نصرت و جهاده ثبات احسان ایدر .

بو حدیث شریف — یوقاریده سوبلیدی کمز وجه ایله — دشمن
ملت و دولتلرک مسلمانلر قارشى آلاجقلری وضع عدوانی خبر

جوق ایالتلریمزدن، ولایتلریمزدن محروم قالدق؛ اولیاو انبیامرقدلرینی قوجاقلایان اسلام مدنیت و معرفتته تجلیکام اولان مملکتلریمزدن دوشمانلریمزک آله کچدی. یونان پچلری اجدادیمزک توربهلری اوستنده هورا تیور؛ یامادق شنایع بیراقیور؛ آطه و عینتاب جهملرلنده فزانسزلر وارمنیلر دورلو دورلو فحائع ارتکاب ایدیور؛ دوشمانلر بوتون عنائلی ثولکسینی، بوتون اسلام دیارینی «صوفرا باشنه» کمال اشها ایله اوتورمش ییجیلر کیی بوتیق، مسلمانلری تماماً اسیر ایتک ایستیهور؛ خلاصه (۱۰۰۰) شوقادار ییادن بری پارلایان نور اسلامیت انصافسزجه سوندور، ملیه قالدیشلیورده بزحالا نفاق وشقاقدن، فتنه و فساددن لایقيله آریلایور، فلاکت مدهشه قارشیشنده طادنا غافلانه سیرجی قالیورز.

کوکل آرزو ایدر، که مملکتیمزک هر طرفی قاپلایان دوشمانلرک برآن اول طرف و دفعی ایچین - حتی بر فردی بیله خارج قلاماق اوزره - بوتون ملت یکی باشند ویکی بر اتفاق مقدسه یکی وجانی بر حرکت ملیه کویته رسین. هر کس غایه مقدسه سنک تمامیه حصوله قادار اکه اوفاق اختلافلردن بیله توقی ایتسین، حتی تالی و فرعی قناعتلرندن الله رضاسی ایچین فدا کارلیق یاپسین. بوصورتله کوره - جکر، که یاقینده عون حقله مملکتیمز قورتولمش، ملتیمز سنه لردن بری بکله دیکی مشوقه استقلاله قوووشمش ارله جقدر.

حدیث شریفده اُجنی ملت و دولتلرک مسلمانلره قارشى آلاجنی وضع عدوانک ایکنجی سببی اولاراق بر شی ذکر یدیلیموردی :
— حیاته صاریلق، ثولومدن نفرت ایتک، یعنی ثولومدن قورققاق !

بونک حقه کی ایضا حاتمزی ارشاء الله کله جک نسخه مزده عرض ایدم جکر.

نصوحی دده.

پک متحسری بولندیغمز سبیل الرشاد جریده مبارکه سنه

محترم دینداشلر،

بالیکسری محیطنده واسع صورتده منتشر اولان و بوتون لوازم خلقنک پک زیاده توجه و محبتلری بولونان سوکیلی سبیل الرشادیمزک آناطولیده انتشاره باشلادیغی خبر آلدق. فقط مع التأسف هیچ بر نسخه سنی کورمک نصیب اولمادی. قسطله ونیده چیقان ایلك نسخه سنی اوقویان بره شهریمز زه مندرجاتندن بحث ایتدی. بونسخه مسلمانلرک اکه بیوک شاعری محترم استادیمزک پک بلیغ، پک مؤثر بر موعظه لرینی احتوا ایدیورمش. مسلمان قارداشلریمز آرمه سنده الدن آله کزدیکنی

صاجا بیلیمش، دین قارداشلیغی دها کنیش بر صورتده برله شمش، اسلام نفوسی پک آز بر مدت ایچنده یوز میاون راده سنه وارمشدر. یوز میاون انسانک روحی بر، وجدانی بر، ایمانی بر، املی هپ بر ایدی. اکه بیوک شهرلردن طوتوکزده اکه هجری جولاره، خیمه لره وارینجهیه قادار حکم سورهن سیاست (آن برلیک و قارداشلق) سیاستی ایدی. کوکلو، فوتلی سیاستی یاشاتان، جانلاندیران دیگر دستورلرده عدالت، حق نیت، منافع عمومیه خدمت، حریت و مساوات... کیی قدسی شیلردی. اسلامک بو آهنکی، بوجاذبه سی قارشیشنده نفوس اسلامیه یوز بیکلرجه انسانلر جان آتاراق قایشیور، مسلمانلر قوتله یور، دنیالری تیتزه تیورلردی. طویلو اسلام قلبلرینک هپ بر امل ایله چارپامی، کفر و ضلالت و نفاق ایچنده چالقامان اُجنی دولتلری دوشوندریمکده، فقط بونلر یکی پارلایان اسلام نوری، اسلام اتفاقی قارشیشنده سونمکده، محو اولمده ایدی. آرارلنده مدهش بر آریلیق و اخلاق مزلیق وار ایدی. «تخسبهم جیعا و قلوبهم شی» = اوناری سیاحمد - طویلون ایدیورسین، اما قلبلری، امللری هپ آری آریدر. «آیت ریمه سی صانکه بونلرک حالنی کویته یوردی.

(عباسیلر) دورنده مع التأسف اسلام خلاقی بوزولمیه باشلادی. جناب حق اونلرک مملکتلرینی متفق موغول اردولرینه چیکنه تیدردی. مدنیتله، علوم و فنونی ایله وارلیغی بوتون قهریه طیتمش، حق مسلمانیلنی اوروپا، نقل ایتیش اولان قوجا (اندلس) دولت اسلامیه سنی ده باتیران، عثمانیلرلردن فضله بر حیات تاریحیه یاشادینی حالداونی محو ایدن، اوت قلیجندن یاقانی قورتارا بیلیمش اندلس عربلرینه جبراً خریستیانیغی قبول ایتدیرن ملعون حامللرده ینه هپ اخلاق مزلیق، قورققاقیق، آریلیق غیر بلیق ایدی.

عثمانیلره کلینجه: بر آووج عشیرت حالنده مبدانه کان عثمانیلری تا ویانهیه قادار کوتورهن، اونلره اوروپا دولتلرلردن خراج آلدیران، بوگون قراللیق و امپراتورلق شکنده کی بیوک ثولکلوی بر روالی ایله اداره ایتدیرن مقدس عامل، اتفاق، اخوت، عدالت، جلادت... کی مزیتلر ایدی. فقط ایکی، اوچ عصردن بری بزى انحطاطه و نهایت - نعوذ به - انقراض تهانکه لرینه سوروکله یین شی ده تفرقه، نفاق، ظلم، «حب حیات» اولدی. قطییت ریاضیه ایله ثابت اولمش حقیقلر دندرکه

«کندی اخلاقه بر ملت اولور، یاخود یاشار»

اخلاق هرملتک بنیه اجتماعیه سنه کوره بهض تحولات عرض ایده بیلیرسه ده، (وحدت و تساند) هر ملت و مملکتنده عامل خلاص اولاراق قبول ایدیلش بر (آنا خطی) در.

نه غریبدر، که بز مسلمانلر اتفاق قیمت و اهمیتنی شوقلاکت زمانلرنده بیله حالا آکلایامادق! صولا دورت بوجوق سنه ایچنده بر